

【猴仔做大王】 曾勤妹

台灣个天時都係燒暖燒暖，特別到了日頭烈烈个熱天，坐啊在教室裡肚仔上課，先生講啊口涎波沲，學生仔聽啊緊啄目睡。毋過一聽啊著下課个鐘聲，噹一噹一噹一大家个目珠就金那那仔，班長大聲喊：企起來，行禮，多謝先生。全班就三步當做兩步，衝衝撞撞走去外背寮了，佢下課第一件事係先上便所屙尿，將手洗淨來。班項个搞頭王阿明牯會去借籃球，歸陣仔个人跔等阿明仔去籃球場打籃球；阿平同阿中平常時就該有話講，佢等兩個人盡好搞吊晃槓，間擺吊晃槓个時節阿中就會大聲念：晃槓槓，炒豬腸，豬腸炒薑絲，酸酸辣辣盡扯飯。

細妹仔過中意坐翹翹仔，鴨母打孔翹，翹啊上又翹啊下，無都在榕樹下打嘴古：阿兵哥，入來坐，佢來泡茶，你唱山歌，佢畫虎孱，汝講笑科，下課真快樂喔。乜有細妹仔在个跳索仔，一頭跳一頭念：
跳 跳 跳 跳索仔 一跳跳著榕樹下
跳 跳 跳 跳索仔該好搞哦。

最鬧熱个所在係運動坪裡肚，該多人在該走來走去，走啊一圓身汗，有人在个踢雞毛毬仔，籃球場該蹟位，尖啊滿滿个人，同阿雄乜行兼去鬥鬧熱，隔壁班个阿山牯打籃球該像樣哦!忽然間一粒極樂